



FAKKEL-FLITSE

Weeklikse nuusflitse vir 'n ingeligte Framesby-familie!

Kontakbesonderhede: nuusbrief@framesby.co.za

Uitgawe 81: 22 April 2016

FRAMESBY 50 VITEINDELIK HIER

Die lang gewag is verby, en volgende week breek die formele feesvieringe aan wanneer ons die vyftigste bestaansjaar van die skool herdenk. Alhoewel die program van die week voorheen gepubliseer is, wil ons graag enkele hoogtepunte weer onder u aandag bring.

DINSDAG 26 APRIL – Op hierdie dag vier ons die stigting van die skool met 'n baie formele Saalbyeenkoms. Dit word in vooruitsig gestel dat die Dinsdag naaste aan 27 April voortaan as Stigtingsdag gevier sal word.

WOENSDAG 27 APRIL – Op die vakansiedag word daar die aand 'n Sokkie vir ons leerders in die Saal aangebied. Hierdie geleentheid is slegs vir huidige leerders. Dit sal om 19:00 begin. Terselfdertyd kan ons ouers by die Ondersteunersvereniging in die Klubhuis en Pawiljoensaal aansluit, waar 'n gaskunstenaar sal optree en Hamburgers en Chips te koop sal wees. Dit sal wonderlik wees as ons ouers die aand in groot getalle gaan bywoon terwyl die kinders in die Saal besig is.

DONDERDAG 28 APRIL – Hierdie dag sal daar geen formele klaswisseling wees nie, en die leerders mag "civies" aantrek. Dis egter NIE 'n dag om net tuis te bly nie. Die hele gedagte is dat dit 'n pretdag vir AL ons leerders sal wees met 'n rits aktiwiteite en verrassings. Dis die leerders se beurt om deel te wees van iets baie spesiaal!

VRYDAG 29 APRIL – Op hierdie dag bereik die feesvieringe 'n hoogtepunt en word die dag gewy aan ons Kultuurbedrywighede. Dis 'n gewone skooldag, maar die middag en aand vind 'n paar GROOT dinge plaas. Om 15:00 bied Fantasia, ons koor, 'n Koffiekonsert aan. Die koste beloop R30 per persoon en kaartjies kan steeds by die Algemene Kantoor gekoop word. Fantasia is een van ons groot "uitvoerprodukte" en die program beloof om iets baie spesiaal te wees, en behoort teen 16:00 klaar te wees.

Die aand word die Finesse Kaleidoskoop aangebied waar Fantasia, Framesby Forté, ons orkes, lede van die Dansklub, ons Revue-deelnemers, asook verskeie soliste, waaronder 'n paar oud-leerlinge, in aksie sal wees. Die aand word afgesluit met 'n Massakoor-optrede.

Die gaste sit by tafels en 'n heerlike ete word aangebied. Die koste beloop R120 per persoon en kaartjies kan steeds by die Algemene kantoor gekoop word. Ons wil u aanmoedig om hierdie spoggeleenthed by te woon. Die vermaak sal uit die boonste rakke wees!

SONDAG 1 MEI – Die feessvieringe word op gepaste wyse met 'n kerkgods in die skoolsaal afgesluit, waar een van ons oud-leerlinge, Riëtte Buys, die gods sal lei. Ons wil u aanmoedig om hierdie diens by te woon en dat ons op hierdie manier as Framesby-familie ons dank aan ons Hemelse Vader kan betuig vir die wonderlike seeënige wat hierdie skool en gemeenskap oor die afgelope 50 jaar beleef het.

Alle Oud-Koorlede

Almal wat deel wil wees van die Massakoor by die Vrydagaand-konsert moet asb. die oefening Maandag van 5 tot 7 bywoon. Die bladmusiek vir die optrede is op die webtuiste beskikbaar.

ALMAL IS WELKOM

VERJAARDAE HIERDIE WEEK

Saterdag

Divan du Preez 11E
Wiandre Pieter 11F
Mijaune Smith 9C
Sherika van Dyk 8F

Sondag

Charlotte Coetze 12B
Luhan Fourie 9F
Wiehann Strydom 9B
Ruan Swanepoel 9D

Maandag

Marné Ackermann 9D
Charné Kleinhans 9B
Jean-Paul Meyer 8D
Dillan Slater 12F

Dinsdag

Shene Delport 11A
Catherine Stow 9B
Willene Theron 12E

Woensdag

Geen

Donderdag

Hermias Nieuwoudt 11E
Michaela Olivier 10D
Xavier Terblanche 10B

Vrydag

Keano Petrus 9B
Ansuel van Rooyen 11B

FRAMESBY PRESTEER!

LANDLOOP VOLUIT AAN DIE GANG

Die eerste landloopliga het verlede week by Otto du Plessis plaasgevind, en die seisoen het goed afgeskop toe ons 4 uit die 6 ouderdomsgroepe gewen het en 8 eerste plekke (uit 'n moontlike 10!) behaal het.

Die volgende atlete het eerste plekke behaal: Melissa Hamilton, Lara de Bloe, Vicky Oelofse, Chane Petzer, De-Leon Strydom, Bjorn Ferreira, Chad van Rensburg en Ian Gerber. Alhoewel Vicky slegs O/16 is, het sy die vinnigste tyd van al die dogters behaal! Baie geluk aan al hierdie atlete!

Die volgende leerlinge het 2de plekke behaal: Karla Scheffer, Bridget Hart, Eldino van Rhyn, en Johny Muller, terwyl Gerrida Stadler, Marné Olivier, Shené Delport, en Jurgens Boreman derde plekke behaal het.

Ons is al gewoond dat ons Landloop-atlete uitstekend vaar, en teoordeel aan die uitslae lyk dit of 2016 geen uitsondering sal wees nie! Die ongelooflik harde werk wat julle almal insit is vir al ons sportmanne en -vroue 'n inspirasie. Baie dankie en baie geluk. Ons berig volgende week oor die 2de liga-byeenkoms wat hier by ons plaasgevind het.



Chad, Björn Ferreira, Lara en Vicky



REKENAARFUNDI'S UITSTEKEND IN TALENTSOEK!

Die groep leerders op die foto het onlangs aan 'n Talentsoek-rekenaarolimpiade deelgeneem en almal toekennings ontvang. Hulle is Nadine Botes, (Goud), Tiaan Erskine (Brons), Charlie Hart (Goud), Elizabeth Nel (Brons), Ivan Slabbert (Brons), Marico Bence (Silwer), Barry Hart (Silwer), Waldo Kilian (Silwer), Corné Geldenhuys (Goud) en Ludevin Parkinson (Silwer). Baie geluk met hierdie pragtige prestasie! Die kompetisie gaan binnekort aan en ons wens julle graag baie sterkte toe!

JUNIOR REDENAARS KOOK BY ATKV!

Oor die jare het Framesby al 'n klompie uitsonderlike redenaars opgelewer, en na afloop van die eerste rondte van die ATKV-kompetisie lyk dit of daar twee nuwe sterre na vore getree het. 'n Paar van ons leerders het aan hierdie uitdunne deelgeneem goed gevaaar. Twee van hulle, Amoré Nel en Lize-Mé Otto het stof in die ander deelnemers se oë geskop en deurgedring na die semi-finaal wat in George sal plaasvind.

Baie geluk julle twee, en baie sterkte met die volgende rondte!

Kom ondersteun vanaand die Kultuur-geveg teen Daniel Pienaar! Ouers kan FOV ondersteun by die Klubhuis.

Ferreira-susters blink in vyfkamp

Kayla en Monique Ferreira het onlangs aan die Suid-Afrikaanse Moderne Vyfkamp-kampioenskappe in Bloemfontein deelgeneem. Alhoewel hulle nie 'n medalje verower het nie, het hulle uitstekend gevaaar. Kayla het 'n vierde plek behaal, terwyl Monique in die sewende plek klaargemaak het.

Baie geluk julle twee. Mag julle vanjaar nog groot hoogtes bereik!



FRAMESBY IS TROTS OP...

JEAN-PIERRE, ANNEKE EN NOLENE NA LOS ANGELES!

'n Groepie Framesby-leerders het onlangs aan die Suid-Afrikaanse Kampioenskappe vir Uitvoerende Kunste deelgeneem en uitstekend gevaar. Na afloop van die kompetisie is 'n Suid-Afrikaanse span aangewys om in Julie aan die Wêreldkampioenskappe in Los Angeles deel te neem. Nie minder nie as DRIE Framesby-leerders het die besondere eer te beurt gevall om hul land daar te verteenwoordig.

Ons is ongelooflik trots op Anneke Bushby en Jean-Pierre Cloete, wat in die danskategorie gaan deelneem, en Nolene Spinks, wat in die sangkategorie gaan deelneem. Baie geluk, julle drie, en baie sterkte met jul voorbereiding vir die GROOT geleentheid.



KUNS FLOREER IN FRAMESBY!

Alhoewel Framesby nie Kuns as skoolvak aanbied nie, kan ons leerders wel Kunsklasse bywoon wat deur personeel van die PE Kollege aangebied word. Van ons leerders het al besonder goed presteer, en hier pryk Leana Mare, Charlie Hart, Tian Botha en Simone Massyn trots met hul inskrywings vir die Despatch-Kunsfees. Ons hoop julle daar uitstekend!



SPORTPROGRAM VS DANIEL PIENAAR + LINKSIDE

RUGBY

A-VELD		B-VELD		C-VELD	
08:30	O/14 A	08:30	3de	08:30	O/15 B
09:30	O/15 A	09:30	4de	09:30	O/16 B
10:30	O/16 A	10:30	O/16 C	10:30	O/14 B
11:45	2de	11:30	O/15 C	11:30	O/14 C
13:00	Future Kings				
13:30	1ste				

HOKKIE

A-VELD		B-VELD	
8:00	O/14 Dogters Linksde	8:15	16B Dogters Harvest
9:00	O/16 Seuns Linksde	9:30	3de Dogters Lawson Brown
10:00	O/16 Dogters Linksde		
11:00	2de Dogters Linksde		
12:00	1ste Dogters Linksde		

NETBAL

	BAAN 1	BAAN 2	BAAN 3
08:30	Framesby O/18B Linksde O/18A	Framesby O/16B DP O/16A	Framesby O/14B Linksde O/14A
09:10	Framesby O/18C Linksde O/18B	Framesby O/16C Linksde O/16B	Framesby O/14C Linksde O/14B
09:50	-	Framesby O/16B Linksde O/16A	Framesby O/14B DP O/14A
10:30	Framesby O/18B DP O/18A	-	-

NEEM ASSEBLIEF KENNIS DAT DIE NUWE GEBOU LANGS DIE PAWILJOEN TANS BUISTE PERKE IS. GEEN TOESKOUERS WORD OP DIE BALKON TOEGELAAT NIE. DIE TYDELIKE PAWILJOENE IS SPESIAAL OPGERIG OM IN TOESKOUERBEHOEFTES TE VOORSIEN

PROGRAM VIR VOLGENDE WEEK

Saterdag 23 April	Sondag 24 April	Maandag 25 April	Dinsdag 26 April	Woensdag 27 April	Donderdag 28 April	Vrydag 29 April
Bepaling vs DP (Tuis) Rugby & Netbal Hokkie & Netbal vs Linkside (T) Mnr & Mej Framesby		Dag 1 BLOEDSKENK	Dag 2 STIGTINGS DAG Personeeldinee	VRYHEIDSDAG Leerdersokkie 19:00 FOV – saamkuier en kosverkope vanaf 17:00	Leerder-Bederfdag Opwindende interklaskompetisie	Dag 5 Fatasia Koffiekonsert (15:00) Framesby Finesse (19:00)

ALGEMEEN EN SIELSKOS

NEEM DÍE INISIATIEF

JESUS se uitleg van die Tien Geboeie bring 'n groot verdieping en verbreding van die betekenis daarvan na vore. Hy leer ons om nie net die letterlike en voor die hand liggende betekenis daarvan raak te sien nie, maar om na die volle implikasies daarvan te vra. Een van die aangrypendste voorbeeldte daarvan is die wyse waarop Hy volgens Mt. 5:21-26 die sesde gebod - Jy mag nie doodslaan nie - op 'n baie radikaler manier as die Joodse uitleggers interpreer. Verre daarvandaan dat dit maar net sou beteken dat 'n mens nie letterlik moord behoort te pleeg nie, hou dit volgens Jesus in dat God van ons verwag dat ons ons moet versoen met elke mens wat om een of ander rede iets teen ons het. Die sesde gebod verbied ons volgens Jesus nie net om vir iemand anders kwaad te wees en hom of haar met allerlei lelike woorde soos gek of idioot uit te skel en te verneder nie, maar ook om daarby te berus as iemand anders vir ons kwaad is. Hy druk dit in die taal van die Ou-Testamentiese kultus uit deur te sê dat as jy jou gawe na die altaar bring om met God versoening te soek, en dit jou daar byval dat iemand iets teen jou het, jy dan eers jou godsdienstige handeling moet onderbreek en jou met jou naaste moet gaan versoen voordat jy met jou offer voortgaan. Dit wil sê: As jy God se vergiffenis en gemeenskap soek, en jy word daar op jou knieë of in die erediens of by die nagmaalstafel daarvan bewus dat daar iemand is wat iets teen jou het, jy dit eers moet gaan regmaak. Waarom? Omdat ons verhouding tot God nie los staan van ons verhouding tot ons naaste nie. Omdat God geen behae het in offerhande wat aan Hom gebring word terwyl ons onwillig is om ons met ons naaste te versoen nie. So eenvoudig is dit. Jesus sê: As jou broeder iets teen jou het. Dit gaan nie eers om iets wat jy teen hom het nie. Dit spreek vanself dat jy dit met hom moet gaan uitpraat. Hier gaan dit daarom dat hy iets teen jou het. God verwag dat jy die inisiatief moet neem om dit uit die wêrelde te kry. Die vraag is nie of hy volgens jou tereg of ten onregte iets teen jou het nie. Ons is so blind vir die onreg wat ons ander aandoen, dat ons altyd dink ons is onskuldig. Ons is selde bewus van al die gevolge van ons dade en houdings en hoe dit andere benadeel. Ons skuil graag agter ons goeie bedoelings, maar ons weet nie hoe ons bedoelings reeds deur ons selfsug beheers word, en hoe moeilik ons ons in die skoene van die ander kan plaas nie. Daarom vergeet ons so gou die woede van ons naaste - totdat dit ons genadiglik by die altaar byval. God wil versoening. Ons wil altyd ons self verontskuldig. Maar dit kan tussen God en ons staan en ons geestelike vreugde en vrymoedigheid blokkeer.

Uit Die Burger 1 Mei 1991

30 APRIL WYNPROE EN VEILING

Die volgende items word opgeveil

"Laptop"-sak op wiele
Lalalapa Gastehuis "voucher"
Sjampanje-"hamper"
8 Gig "Memory Sticks"
"Power Banks"
Braaitang-stel
Wynstel met Spesiale 50ste Wyn
Wynglase
"Cognac" met glase
Rooibok (Impala)
Halwe Lam
Nataniël Steellose-wynglase (8)
2 x Biltongkerwers
2 x Handgemaakte Skinkborde
Whiskey-stel
"Mohair"-kombers
Eerstehulp-"kit"
Balmain Pennestel
Volvo pen en egte leer-"folder"
Biltong-"hamper"
"Charcoal"-braai
Grass Roof-koopbewyse
Koopbewyse

**KOOP JOU KAARTJIE NUO OM
TELEURSTELLING TE VERMY!
GROOT PRET EN ALLES VIR
'N GOEIE SAAK!**

